



«ՀՀ ԼՈՒՈՒ ՄԱՐԶԻ ՍՏԵՓԱՆԱՎԱՆ
ՀԱՄԱՅՆՔԱՊԵՏԱՐԱՆԻ ԱՇԽԱՏԱԿԱԶՄ»
ՀԱՄԱՅՆՔԱՅԻՆ ԿԱՌԱՎԱՐՉԱԿԱՆ ՀԻՄՆԱՐԿ

ԾՐԱԳԻՐ

ՍՏԵՓԱՆԱՎԱՆ ՀԱՄԱՅՆՔԻ 2024Թ.
ԲՆԱԿԱՆ ՄԻՋԱՎԱՅՐԻ ՊԱՀՊԱՆՄԱՆ ԵՎ ԲՆԱԿՉՈՒԹՅԱՆ
ԱՌՈՂՋՈՒԹՅԱՆ ՎԵՐԱԿԱՆԳՆՄԱՆ

ԲՈՎԱՆԴԱԿՈՒԹՅՈՒՆ

Համայնքի նկարագրությունը	3
Ծրագրի ընդհանուր նպատակը	5
Ծրագրի հիմնավորումը	6
Հավելված N 1	7

ՀԱՄԱՅՆՔԻ ՆԿԱՐԱԳՐՈՒԹՅՈՒՆԸ

1. Համայնքի իրավիճակի նկարագրություն

ՊԱՏՄԱԿԱՆ ԱԿՆԱՐԿ

Լոռվա կանաչ բարձրավանդակում՝ Ձորագետի նշանակալի կիրճի կողքին է գտնվում Ստեփանավան կոչվող գողտրիկ քաղաքը, որը հաճախ անվանում են Լոռվա մարգարիտ: 1810թ.-ին Արցախի հայտնի տոհմից Դավիթ, Հասան Զալալյանները Ղարաբաղից գալիս են Լոռի և հիմնավորվելով՝ այստեղ՝ բնակավայրին տալիս են իրենց անունը Զալալյոլի (Զալալի որդի): 18-րդ դարում Ստեփանավանը սկսում է ձևավորվել որպես քաղաք, որի 4 -ամյա դպրոցում կրթություն է ստացել նաև Հովհաննես Թումանյանը (դպրոցը այժմ կոչվում է նրա անունով): 1923թ.-ին ի պատիվ Հայաստանում առաջին մարքսիստական խմբակի ղեկավար Ստեփան Շահումյանի, ով ամուսնացել էր ստեփանավանցի Եկատերինա Գրիգորյանի հետ, Զալալյոլին կոչվեց Ստեփանավան: 1938 թ.-ից ի վեր Լոռե-Զալալյոլի-Ստեփանավանը հանրապետական նշանակության քաղաք է: 19-րդ դարում Ստեփանավանը եղել է Լոռվա միակ քաղաքը, մտել է Թիֆլիսի նահանգի Բորչալուի գավառի մեջ: Քաղաքում տեղակայված է եղել ցարական կայազոր, գործել է հիվանդանոց, դեղատուն: Ստեփանավանը ունի մեղմ լեռնային կլիմա, թարմ ու անապակ օդ, որի շնորհիվ այն համարվել է ամենալավ ամառանոցներից մեկը Հայաստանում: Ստեփանավան քաղաքում գործել են բազմաթիվ առողջարաններ, հյուրանոցներ: Ստեփանավանը հարուստ է իր բնական գեղեցկությամբ և բազմաթիվ մշակութային հուշարձաններով:

Ստեփանավան քաղաքը զգալի տուժել է 1988-ի Սպիտակի երկրաշարժից: Հետագա տարիներին քաղաքն սկսել է վերակառուցվել, և տարածվել նաև Ձորագետի ձախ ափին:

ԱՇԽԱՐՀԱԳՐԱԿԱՆ ՆԿԱՐԱԳԻՐ

Ստեփանավան քաղաքը մտնում է ՀՀ Լոռու մարզի տարածաշրջանային կազմի մեջ՝ գտնվելով մարզի գրեթե երկրաչափական կենտրոնում, Ձորագետի միջին հոսանքի աջ և ձախ ափերին: Ընդհանուր տարածքը 5333.6 հեկտար է, որից 1020 հա-ը կառուցապատված: Քաղաքի ընդհանուր պարագիծը 26.5 կմ է, հյուսիսից հարավ միջին լայնությունը կազմում է 6.3 կմ, իսկ արևելքից արևմուտք երկարությունը՝ 4 կմ: Ստեփանավան քաղաքի ամբողջ երկարությամբ՝ արևելքից-արևմուտք անցնում է Հայաստանը ԱՊՀ երկրների հետ կապող Երևան-Թբիլիսի միջպետական նշանակության ՄՅ ավտո մայրուղին, որը համայնքի համար ունի ռազմավարական և սոցիալ -

տնտեսական նշանակություն: Ստեփանավանից սկսում են 3 հանրապետական նշանակության ճանապարհներ՝ Ստեփանավան-Ալավերդի, Ստեփանավան-Պրիվոլնոյե-Ախքյորփի և Ստեփանավան-Կաթնաղբյուր: Քաղաքը գտնվում է հանրապետության հյուսիսային մասի սեյսմոակտիվ գոտում:

ՀԱՄԱՅՆՔԻ ԿԼԻՄԱՅԱԿԱՆ ՀԱՄԱՌՈՏ ԲՆՈՒԹԱԳԻՐԸ

Ստեփանավան քաղաքը տեղադրված է Ձորագետի հովտում, ընդարձակ սարահարթում ծովի մակարդակից 1400մ բարձրության վրա: Ունի բարեխառն չափավոր խոնավ կլիմա, տարեկան միջին ջերմաստիճանը 6,6 աստիճան է: Հունվարի միջին ջերմաստիճանը - 4,2 աստիճան է, հուլիսյանը՝ 16,7 աստիճան: Տարեկան թափվում են 683մմ մթնոլորտային տեղումներ: Ձմեռները ձյունառատ են: Շրջակայքում կան անտառներ, բնական շինանյութերի մեծ պաշարներ: Քաղաքը իր բնակլիմայական պայմաններով հանդիսանում է Հայաստանի առողջարանային բնակավայրերից մեկը:

Բնակչության ժողովրդագրական տվյալներ (մարդ).

		Մշտական			Առկա		
		ընդամենը	այդ թվում		ընդամենը	այդ թվում	
			իգական	արական		իգական	արական
1	բնակչության թվաքանակը, մարդ	19171	9351	9820	16205	7921	8284
2	տնային տնտեսությունների թվաքանակը	5355	X	X		X	X
3	այդ թվում՝ ժամանակավոր կացարաններում /վագոն, տնակ/ բնակվող	182	X	X		X	X
4	կիսակառույց տներում բնակվող	193	X	X		X	X
5	Փախստականներ				392	214	178

ԾՐԱԳՐԻ ԸՆԴՀԱՆՈՒՐ ՆՊԱՏԱԿԸ

Ծրագրի ընդհանուր նպատակն է բարելավել Ստեփանավան համայնքի բնական միջավայրը, վերականգնել և ամրապնդել համայնքի բնակչության առողջությունը

Ծրագրի նպատակն է «Ընկերությունների կողմից վճարվող բնապահպանական վճարների նպատակային օգտագործման մասին» ՀՀ օրենքի համաձայն պետական բյուջեից, սուբվենցիաների տեսքով, Ստեփանավան համայնքին կատարվող մասհանումների գումարներով լուծել համայնքում առկա բնապահպանական և առողջապահական խնդիրները:

Ծրագիրը ներառում է.

1. Ստեփանավան խոշորացված համայնքի բնապահպանական և շրջակա միջավայրի պահպանության ու վերականգնման միջոցառումներ:
2. Համայնքի բնակչության առողջության պահպանմանը նպատակաուղղված միջոցառումներ, որոնց անհրաժեշտությունը պայմանավորված է հիմնականում «Սագամար» ՓԲԸ-ի գործունեությամբ:

ԾՐԱԳՐԻ ՀԻՄՆԱՎՈՐՈՒՄԸ

Ծրագրի հիմնախնդիրների լուծմանն ուղղված գործողություններ

Ստեփանավան խոշորացված համայնքի(Ստեփանավան, Արմանիս, Ուրասար, Կաթնաղբյուր) կարիքների համար էներգախնայող led լուսատուների ձեռքբերում: Ծրագրի արդյունքում նախատեսված համալիր միջոցառումների իրականացումը հնարավորություն կտա որոշակի չափով բարելավել և պահպանել համայնքի բուսածածկը, ջրային և օդային տարածքների ներկա վիճակը, կանխարգելել արտակարգ իրավիճակները, բարելավել համայնքի բնակիչների կենցաղային պայմանները, վերականգնել բնակչության առողջությունը, կանխարգելել հիվանդությունների առաջացումը:

Ծրագրից ակնկալվող արդյունքները

1. Կնվազեն CO₂ գազի արտանետումները և էականորեն կնվազի էլեկտրաէներգիայի ծախսը:

2. Կկանխարգելվեն արտակարգ իրավիճակները, կապահովվի համայնքի բնակչության անվտանգությունը:

ԾՐԱԳՐԻ ԻՐԱԿԱՆԱՑՄԱՆ ԱՐԴՅՈՒՆՔՆԵՐԻՆ ՈՒՂՂՎԱԾ ԱՆՀՐԱԺԵՇՏ ՄԻՋՈՑԱՌՈՒՄՆԵՐԸ

1. Ստեփանավան խոշորացված համայնքի(Ստեփանավան, Արմանիս, Ուրասար, Կաթնաղբյուր) փողոցային հին լուսատուները փոխարինվելու են շուրջ 215 նոր, 50 վատտ հզորության էներգախնայող լուսատուներով: Լուսատուների փոխարինման արդյունքում տնտեսված գումարներն կծախսվեն այլ թաղամասերի լուսատուների արդիականացմանը: Զգալիորեն կնվազի CO2 գազի արտանետումը, որը հանդիսանում է հիմնական պատճառներից մեկը էներգախնայող LED լուսատուներ տեղադրելու հարցում: Մոտավոր շուկայական գինը մեկ 50 վատտ հզորության լուսատուի կազմում է 10000 ՀՀ դրամ է:

ԾՐԱԳՐԻ ԳՆԱՀԱՏՄԱՆ ՉԱՓԱՆԻՇՆԵՐԸ

Ծրագրի գնահատման չափանիշ կարող է լինել՝

1. Փողոցային լուսավորության բարելավումը, վնասակար արտանետումների նվազեցումը, էներգիայի ծախսերի խնայողությունը:
2. Արտակարգ իրավիճակների կանխարգելումը:
3. Բնակչության առողջության պահպանում:
4. Ծրագրի իրականացման ամբողջ ընթացքը կլուսաբանվի համայնքապետարանի պաշտոնական կայքում, տեղական հեռուստատեսությամբ և զանգվածային լրատվության այլ միջոցներով:

ՀԱՄԱՅՆՔԻ ՂԵԿԱՎԱՐ՝



ԱՐՄԵՆ ԳՐԻԳՈՐՅԱՆ

**«ՀՀ ԼՈՒՈՒ ՄԱՐԶԻ ՍՏԵՓԱՆԱՎԱՆ
ՀԱՄԱՅՆՔԱՊԵՏԱՐԱՆԻ ԱՇԽԱՏԱԿԱԶՄ»
ՀԱՄԱՅՆՔԱՅԻՆ ԿԱՌԱՎԱՐՉԱԿԱՆ ՀԻՄՆԱՐԿ**

ԾՐԱԳԻՐ N 1.1

**ՍՏԵՓԱՆԱՎԱՆ ՀԱՄԱՅՆՔԻ ԱՐԱՄԱՆԻՍ ԵՎ ՈՒՐԱՍԱՐ ԲՆԱԿԱՎԱՅՐԵՐԻ
ԿԱՐԻՔՆԵՐԻ ՀԱՄԱՐ ԷՆԵՐԳԱԽՆԱՅՈՂ LED ԼՈՒՍԱՏՈՒՆԵՐԻ
ՁԵՌՔԲԵՐՈՒՐՄ**

**ԲՅՈՒՋԵՏԱՅԻՆ ԾԱԽՍԵՐԻ ԳՈՐԾԱՌՆԱԿԱՆ ԴԱՍԱԿԱՐԳՄԱՆ 05 ԲԱԺԻՆ
ԲՅՈՒՋԵՏԱՅԻՆ ԾԱԽՍԵՐԻ ԳՈՐԾԱՌՆԱԿԱՆ ԴԱՍԱԿԱՐԳՄԱՆ 6 ԽՈՒՄԲ
ԲՅՈՒՋԵՏԱՅԻՆ ԾԱԽՍԵՐԻ ԳՈՐԾԱՌՆԱԿԱՆ ԴԱՍԱԿԱՐԳՄԱՆ 1 ԴԱՍ**

**ՍՏԵՓԱՆԱՎԱՆ ՀԱՄԱՅՆՔԻ ԲՆԱԿԱՆ ՄԻՋԱՎԱՅՐԻ
ՊԱՀՊԱՆՄԱՆ ԵՎ ԲՆԱԿՉՈՒԹՅԱՆ ԱՌՈՂՋՈՒԹՅԱՆ ՎԵՐԱԿԱՆԳՆՄԱՆ
ԲՆԱՊԱՀՊԱՆԱԿԱՆ ԾՐԱԳՐԵՐ**

ԾՐԱԳԻՐ – N:1.1

**ՍՏԵՓԱՆԱՎԱՆ ՀԱՄԱՅՆՔԻ ԱՐՄԱՆԻՍ ԲՆԱԿԱՎԱՅՐԻ ԿԱՐԻՔՆԵՐԻ
ՀԱՄԱՐ ԷՆԵՐԳԱԽՆԱՅՈՂ LED ԼՈՒՍԱՏՈՒՆԵՐԻ ՁԵՌՔԲԵՐՈՒՄ**

	ԾՐԱԳՐԻ ԿԱՌՈՒՑՎԱԾՔԸ	ԱԿՆԿԱԼՎՈՂ ԱՐԴՅՈՒՆՔՆԵՐԻ ՉԱՓԱՆԻՇՆԵՐԸ
ԸՆԴՀԱՆՈՒՐ ՆՊԱՏԱԿԸ	Ստեփանավան խոշորացված համայնքի(Ստեփանավան, Արմանիս, Ուրասար, Կաթնաղբյուր)փողոցների փողոցային լուսավորության արդիականացում	Փողոցային լուսատուների լուսատվության բարձրացում, CO2 գազերի արտանետման նվազեցում
ԱԿՆԿԱԼՎՈՂ ԱՐԴՅՈՒՆՔՆԵՐԸ	Նոր էներգախնայող LED լուսատուներով, լուսասյուների տեղադրում	Կապահովվի փողոցային բարձր լուսատվություն, կնվազեն CO2 գազի արտանետումները, ինչպես նաև կկատարվեն տնտեսումներ
ԱԿՆԿԱԼՎՈՂ ԱՐԴՅՈՒՆՔՆԵՐԻ ՀԱՄԱՐ ԱՆՀՐԱԺԵՇ ՄԻՋՈՑԱՌՈՒՄՆԵՐԸ	Կիրականացվի Ստեփանավան խոշորացված համայնքի փողոցների կարիքների համար էներգախնայող LED լուսատուների ձեռքբերում: Ընդամենը՝ 2,160,000 ՀՀ դրամ	Համայնքը կապահովվի նոր էներգախնայող LED լուսատուներով: Աշխատանքները կավարտվեն 2024թ դեկտեմբերին